



SIARAN MEDIA
PENYAMPAIAN HASIL SESI PLENARI
5TH ASEAN CHILDREN'S FORUM (ACF) BRUNEI DARUSSALAM

Bandar Seri Begawan, Rabu, 8 Ogos 2018 – Forum Kanak-Kanak ASEAN ke-5 (*5th ASEAN Children's Forum*) yang berlangsung selama tiga hari berakhir pagi ini dengan pembentangan hasil sesi plenari yang diadakan di Bilik VIP 2, Z'Yan Restaurant, *Mangrove Paradise Resort*.

Hadir selaku tetamu kehormat majlis ialah Yang Mulia Haji Amer Hamzah bin Pehin Orang Kaya Amar Pahlawan Dato Seri Setia Awang Haji Zakaria, Pemangku Setiausaha Tetap Kementerian Kebudayaan, Belia dan Sukan.

Turut hadir ke majlis tersebut adalah perwakilan negara anggota ASEAN ke Brunei Darussalam; wakil-wakil *ASEAN Commission on the Promotion and Protection of the Rights of Women and Children (ACWC)* iaitu Yang Mulia Dayang Hajah Misnah Binti Bolhassan, wakil ACWC Negara Brunei Darussalam bagi Hak Wanita; Yang Mulia Dato Paduka Dr. Haji Junaidi bin Haji Abd Rahman, wakil ACWC Negara Brunei Darussalam bagi Hak Kanak-Kanak dan Yang Mulia Dayang Rostinah binti Pehin Orang Kaya Seri Sura Pahlawan Dato Paduka Haji Mohd Tahir, Pemangku Pengarah Pembangunan Masyarakat.

Hasil sesi plenari disampaikan oleh para delegasi dalam bentuk pembentangan, lakonan dan nyanyian berdasarkan empat isu utama forum yang berkaitan dengan keamanan (keselamatan siber dan jenayah di bawah umur); menghormati semua termasuk golongan orang kelainan upaya, warga emas dan kepelbagaian kaum dan budaya; penjagaan alam sekitar; serta gaya hidup sihat dari segi kesihatan fizikal dan mental.

Hasil perbincangan sesi plenari tersebut akan dijadikan sebagai pelan tindakan untuk dicadangkan kepada pemimpin-pemimpin ASEAN agar dapat digunakan sebagai rujukan dalam menyediakan dasar dan polisi yang melibatkan isu-isu yang berkesan dan berkepentingan mengenai hal kehidupan di serantau ASEAN.

Tamat

Dikeluarkan Oleh:

Unit Perhubungan Awam

Jabatan Pembangunan Masyarakat

Kementerian Kebudayaan, Belia dan Sukan

Negara Brunei Darussalam

Tarikh: 26 Zulkaedah 1439 / 8 Ogos 2018